



Broj: 01/1-50-1-1-92/10
Sarajevo, 11.2. 2010. godine

Z A P I S N I K

92. sjednice Ustavnopravne komisije

Sjednica je održana 11. 2. 2010., s početkom u 10 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Ekrem Ajanović, Lazar Prodanović, Drago Kalabić, Martin Raguž, Halid Genjac i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Milana Popadić, USAID-a Nedim Hogić, Instituta za intelektualno vlasništvo BiH Lidija Vignjević, Ureda za razmatranje žalbi Amir Pilav, Agencije za javne nabavke BiH Admir Ćebić, OSCE-a Vildana Bakšić i Džihana Hajdarpašić, OHR-a Jelena Despot, poslanik Remzija Kadrić, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 91. sjednice Ustavnopravne komisije, održane 1.2.2010.;
2. Prijedlog amandmana II., amandmana III. i amandmana IV. na Ustav Bosne i Hercegovine, predlažać: Klub poslanika Stranke za BiH (**usklađenost sa Ustavom BiH, pravnim sistemom BiH i principi prijedloga amandmana, u skladu s članom 133. Poslovnika Doma**);
3. Prijedlog zakona o promociji malih i srednjih preduzeća i preduzetništva u Bosni i Hercegovini, predlažać: Vijeće ministara BiH (**usklađenost sa Ustavom BiH i pravnim sistemom BiH, u skladu s članom 103. Poslovnika Doma**);
4. Prijedlog zakona o sprečavanju nereda na sportskim takmičenjima, predlažać: Klub poslanika SDA (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i članom 104. Poslovnika Doma**);
5. Prijedlog zakona o osiguranju proporcionalne etničke zastupljenosti u organima uprave i lokalne samouprave u Bosni i Hercegovini, predlažać: Klub poslanika SDA (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
6. Prijedlog zakona o primjeni rezultata analize dezoksiribonukleinske kiseline u sudskim postupcima, predlažać: Vijeće ministara BiH (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
7. Prijedlog zakona o izmjenama i dopunama Zakona o radu u institucijama Bosne i Hercegovine, predlažać: Vijeće ministara BiH (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
8. Ostala pitanja:
 - Prijedlog prečišćenog teksta Izbornog zakona Bosne i Hercegovine (**razmatranje i utvrđivanje prečišćenog teksta zakona u skladu sa članom 41. stav (1) tačka i) Poslovnika Doma**);
 - Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06, 24/06, 70/06), podnosioci: Agencija za javne nabavke BiH i Ured za razmatranje žalbi (**razmatranje Prijedloga zakona o izmjeni Zakona o javnim nabavkama BiH na osnovu zaključka sa 91. sjednice Komisije**);

- Prijedlog plana rada Ustavnopravne komisije za 2010. godinu (razmatranje prijedloga u skladu s članom 41. stav (2) Poslovnika Doma).

Ad.1. Usvajanje Zapisnika 91. sjednice Ustavnopravne komisije, održane 1.2.2010.

S obzirom da nije bilo rasprave, Komisija je jednoglasno usvojila Zapisnik 91. sjednice.

Ad.2. Prijedlog amandmana II., amandmana III. i amandmana IV. na Ustav BiH, predlagač: Klub poslanika Stranke za BiH (usklađenost sa Ustavom BiH i pravnim sistemom BiH i principi prijedloga amandmana, u skladu s članom 133. Poslovnika Doma)

Predsjedavajući je otvorio raspravu u kojoj su učestvovali članovi Komisije: Adem Huskić, Halid Genjac, Momčilo Novaković, Ekrem Ajanović, Martin Raguž, Drago Kalabić, Velimir Jukić i predstavnik predlagača poslanik Remzija Kadrić.

Nakon rasprave o Prijedlogu amandmana II. na Ustav BiH, Komisija je jednoglasno utvrdila da:

- postoji valjan ustavnopravni osnov za donošenje Amandmana II. na Ustav BiH;
- je Prijedlog amandmana II. na Ustav BiH usklađen sa Ustavom BiH i pravnim sistemom BiH.

Ustavnopravna komisija, s tri glasa „za“, pet glasova „protiv“ i jednim „suzdržanim“ glasom, nije prihvatila principe Prijedloga amandmana II. na Ustav BiH.

Nakon rasprave o Prijedlogu amandmana III. na Ustav BiH, Komisija je jednoglasno utvrdila da:

- postoji valjan ustavnopravni osnov za donošenje Amandmana III. na Ustav BiH;
- je Prijedlog amandmana III. na Ustav BiH usklađen sa Ustavom BiH i pravnim sistemom BiH.

Ustavnopravna komisija, s tri glasa „za“, pet glasova „protiv“ i jednim „suzdržanim“ glasom, nije prihvatila principe Prijedloga amandmana III. na Ustav BiH.

Nakon rasprave o Prijedlogu amandmana IV. na Ustav BiH, Komisija je, sa šest glasova „za“, tri glasa „protiv“ i bez „suzdržanih glasova“, utvrdila da:

- postoji valjan ustavnopravni osnov za donošenje Amandmana IV. na Ustav BiH;
- je Prijedlog amandmana IV. na Ustav BiH usklađen sa Ustavom BiH i pravnim sistemom BiH.

Ustavnopravna komisija, s četiri glasa „za“, pet glasova „protiv“ i bez „suzdržanih“ glasova, nije prihvatila principe Prijedloga amandmana IV. na Ustav BiH.

U obrazloženju Komisija ističe da većina članova koja je glasala "protiv" smatra da principi nisu prihvatljivi i da će razloge neprihvatanja obrazložiti na sjednici Predstavničkog doma.

Ad.3. Prijedlog zakona o promociji malih i srednjih preduzeća i preduzetništva u Bosni i Hercegovini, predlagač: Vijeće ministara BiH (usklađenost sa Ustavom BiH i pravnim sistemom BiH, u skladu s članom 103. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ad.4. Prijedlog zakona o sprečavanju nereda na sportskim takmičenjima, predlagač: Klub poslanika SDA (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Komisija je nakon rasprave, sa šest glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s pet glasova „ za “, bez glasova „ protiv “ i dva glasa „suzdržan“, prihvatila principe Prijedloga zakona o sprečavanju nereda na sportskim takmičenjima.

Ad.5. Prijedlog zakona o osiguranju proporcionalne etničke zastupljenosti u organima uprave i lokalne samouprave u Bosni i Hercegovini, predlagač: Klub poslanika SDA (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Komisija je nakon rasprave, sa šest glasova „za“, bez glasova „protiv“ i dva „suzdržana“ glasa, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s pet glasova „za“, dva glasa „protiv“ i jednim „suzdržanim“ glasom, prihvatila principe Prijedloga zakona o osiguranju proporcionalne etničke zastupljenosti u organima uprave i lokalne samouprave u Bosni i Hercegovini.

Ad.6. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali članovi Komisije Drago Kalabić i Velimir Jukić i predstavnik Ministarstva pravde BiH Milana Popadić.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je prihvatila principe Prijedloga zakona o primjeni rezultata analize dezoksiribonukleinske kiseline u sudskim postupcima.

Komisija je jednoglasno podržala prijedlog da se o navedenom prijedlogu zakona održi javna rasprava ako bude usvojen u prvom čitanju.

Ad.7. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Vijeće ministara BiH (usklađenost sa Ustavom BiH i pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je prihvatila principe Prijedloga zakona o izmjenama i dopunama Zakona o radu u institucijama Bosne i Hercegovine.

Ad.8. Ostala pitanja:

- **Prijedlog prečišćenog teksta Izbornog zakona Bosne i Hercegovine (razmatranje i utvrđivanje prečišćenog teksta zakona u skladu sa članom 41. stav (1) tačka i) Poslovnika Doma)**

Komisija je, nakon rasprave, jednoglasno odlučila da se zaustavi postupak utvrđivanja prečišćenog teksta Izbornog zakona BiH dok se ne okonča procedura s novim Prijedlogom zakona o izmjenama i dopunama Izbornog zakona BiH.

- **Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06, 24/06, 70/06), podnosioci: Agencija za javne nabavke BiH i Ured za razmatranje žalbi (razmatranje Prijedloga zakona o izmjeni Zakona o javnim nabavkama BiH, na osnovu zaključka sa 91. sjednice Komisije)**

Ustavnopravna komisija jednoglasno je utvrdila tekst Prijedloga izmjena i dopuna Zakona o javnim nabavkama BiH koji će uputiti u redovnu parlamentarnu proceduru.

- **Prijedlog plana rada Ustavnopravne komisije za 2010. godinu (razmatranje prijedloga u skladu s članom 41. stav (2) Poslovnika Doma)**

Komisija je, nakon rasprave, jednoglasno prihvatila Prijedlog plana rada Ustavnopravne komisije za 2010. godinu.

Sekretar Komisije upoznao je članove Komisije o sastanku predsjedavajućeg Šefika Džaferovića s ambasadorom Švicarske Nj.E. Rolfom Lencom i o radionionicama koje bi trebalo da budu održane u okviru nastavka projekta pomoći švicarske vlade ustavnim reformama u BiH.

Predsjedavajući Komisije upoznao je članove Komisije o dopisu Ureda za reviziju institucija BiH. Predsjedavajući je otvorio raspravu u kojoj su učestvovali članovi Komisije: Momčilo Novaković, Velimir Jukić, Drago Kalabić, Ekrem Ajanović i Šefik Džaferović.

Nakon rasprave, Komisija je jednoglasno odlučila da se ova tačka dnevnog reda razmatra na sljedećoj sjednici.

S obzirom da nije bilo više pitanja, sjednica je završena u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović